

求是堂詩集

求是堂詩集卷十九

歸田集

涇縣 胡承珙

元夕前一日玉鑲齋中看素心蠟梅

春歸幾日尚餘寒

時立春後五日

已報枝頭坼數丸豈有早蜂能

釀蜜自饒幽麝不須檀新笏正瀉黃封酒細菜同登白玉盤  
世味近來如嚼蠟只應留向膽瓶看

山明殘雪映松林冷蕊疏花自不禁道服恰宜居士號淡

交如見故人心渾疑燭樹開元夕祇許鮎蘭託別岑

建蘭惟魚

鮎嬌一種皆素心者類篇鮎持林切

我有一株垂屋角不堪多被斧斤侵

趙徵君琴士

紹祖

寄示所刻史學諸書賦贈四十韻

我朝富儒林黃

梨洲顧亭林

實先覺經術誠湛深史法更精確

上下三千年一洗陋儒瞽風流所被宏淵源必從朔後來

吳越彥輒以名其學萬氏

季野

如遺山橫雲仰絳邈

橫雲山人明史

稿皆出萬氏

全

謝邵雲

私淑徒見聞皆卓犖英英王

禮堂

與錢汀

疑義能質确箸書各滿家高深裨海嶽吾鄉多老成稽古

學尤樸乙部似少暇鴻編見未數先生獨毅然陳書備揚

榘秦碑首摩抄汲冢更搜捉

君舊著有金石文鈔汲冢紀年校補等書

高義紛

羅胸雄辨恣折角棱棱弱管操朗朗智珠握李唐一代書

新舊兩辜較涑水製固宏天台註亦卓譬如大廈成偶或

失礱斲功臣賴匡掾諍友待切琢參伍見短長歎卻費披

剏要於實是求匪關妄評駁

謂新舊唐書互証通鑑注商二種

三劉推漢

聖斗南足特物唐鑑史評耳名猶動昏椽勝之讀一過已

見志專慤融滙復母穿無此才識趕持辨非斷斷思誤常

電電讀書秋樹陰銷暑涼風濯

謂讀書偶記銷暑錄二種

雅尚追古初

高情蛻塵濁走也無能爲如礮敢望暑識字迷金根循聲

笑骨脆重煩惠巨編琳琅勝十數想見別廿年梨棗徹椽

桷結交徧東南文采照鸞鸞壇玷珠玉會雲山韶護樂不

馳申公輪肯獻卞和璞惟尋廢墜餘网羅入翼筐側聞神

明強導引鄙喬僇耆宿盡凋謝靈光百丈摧猶思接塵談

一聆放杖驟史味如雜俎膏馥庶沾渥

卷十九  
玉鑊招集梅花下和韻二首

君家多隙地一半是寒梅掩映窺修竹蕭疏帶古苔春風  
能幾日芳樹未全開已有啁啾羽穿林報客來

淺淡牕紗色橫斜屋角枝冷香和酒嚙高格對衿披見說

新居就將煩健步移

時玉鑊築室將成

好鋤明月影相約細論詩

二月二日翥雲招集溪上書屋酒後有感

淡薄君休恨吾儕不諱窮難棲能幾日馬耳又東風世態

浮雲裏生涯爛醉中且看楊柳碧還遲海棠紅樹蕙閒情

在埋盆好事同

時與君俱種藕一盆各置齋中

談鋒霏玉屑詩壁勝紗籠

斫鱸尋漁父行沽促館僮席連圍似月飲快渴如虹祇願

青春駐休憑白髮公委懷銷橫逆薄俗任盲聾卻曲迷芳  
草株拘義轉蓬無妨接離倒歸路笑兒童

鼎元邀集半山居看梅花

尚憶秋齋坐探春又詣君遙看山半雪并化嶺頭雲老樹  
孤撐迴新禽百變聞不須吹玉簫已恐落紛紛

贈族姪孫毓霖

澤沛

孝廉

吾宗多隱德曾識武陵漁憶我浮湘日看君上學初  
君隨人僑居常德府遂領湖南鄉薦倏馳千里足還讀五車書老眼留相待飛  
騰返舊間

問訊衡陽鴈經過江上樓楚山橫岬出漢水接天流上冢

逢寒食還家當薄游送君無可贈詩思滿滄洲

春分前一日烏柴看桃花

何必元都樹計千數株村落也堪憐山腰漸欲成蹊徑谷口渾疑是洞天藉草杯盤隨處處妬花風雨記年年憑君莫惜來游早趁得韶光一刻先

鎮日流連到下春枝頭添放數分紅青春已是時將半白

髮惟宜酒一中種樹方多難盡信

是日同人有買桃栽數本者

灌園機

息本無功閒尋野老相酬酢恐有秦年避世翁

集玉鑊半舫看牡丹

庾信爲園小君今不啻過藥欄乘興看水檻遣心多坐久

知魚樂詩成付鳥歌生涯應自料最好飲亡何  
山影依牆度花光近沼浮春風迴老圃遲日夢扁舟便欲  
攜紅粉相隨沒白鷗酒醒仍恍惚滿壁畫滄洲

溪上書屋看牡丹

一春看花情欲倦碎紫繁紅苦陵亂要識堂堂造化工須  
看一尺春風面春風山後來山前各有池亭位置偏昨日  
粉痕今已褪此間更著濃脂暈

前玉鑊家淡紅牡丹盛放此則開稍後而色較深

紅深紅淺且勿論但愛花開俱十分主人勸客莫辭盞酒  
亦與花同一滿客情更比蜂蝶狂隔溪百步聞花香花外  
海棠高出牆綠陰恰爲遮斜陽豈獨斜陽不敢曬春陰閣



雨飛天外綵幡鈴索相護持養得花枝如許大我家亦有  
冰雪膚形容不改山澤癯安得春風更長養待看琢玉成  
盤盂酒闌未散更秉燭花光愈紅燭烟綠君不見世間萬  
事俱等閑只有看花心未足

次韻翥雲學博久雨不晤見寄一首

髣髴絲禪榻鎮相關入世何殊出世間花事已隨春共去鳥  
聲剛值夢初還塵埃拂我黏詩壁風雨遮君入畫山却笑  
齋餘仍爛醉有人咫尺望刀環

君齋居年餘  
故戲及之

疊前韻再東翥雲

寂寂君休問掩關置身已在不材間新鶻得酒嘗先醉近

舍看花晚未還志士年華歸短髯腐儒勲業倚名山誰堪

更作西涼簿腰下頻敲龍雀環

時客什噶爾  
逆回尚未平

玉鑊偶過閒話有感復疊前韻

舊雨無多少啓關壁弓早已弛黃間中年樂事稀難覓下

里淳風挽未還已悔登樓懷故土

謂家崇垣大令罷官後  
僑居江右久不欲歸

更思把臂入深山從君乞取安心法藥裏書籤斗室環

村外看杜鵑花晚飲疊峰樓仍疊前韻和翥雲

春殘幽事尚相關結伴尋芳水石間老樹百年花豔在古

魂一夕鳥號還休謗繫馬看紅繖

時久憊野人家爲予言  
樹已老故著花不多當

其盛時如早已焚魚學碧山且盡樓頭明月色當杯莫惜

張紅葢云

酒巡環

悼兩小孫迪保鑾書

五柳婆娑劇雙桐倏忽枯白髭吾自憊黃口爾何辜老倦  
移山力貧憐拆海圖平生兒女慮何處問元夫  
也知同委蛻無奈現優曇竟奪三年抱猶殘一味甘穠龍  
誰長養雛燕自呢喃物化偏如此人生恨豈堪

讀朱蘭坡洞庭紀游詩賦此奉懷並訂秋初過訪

十里雲山近三秋會合遲悲歡紛世故著述渺心期可得  
杯中物能銷鏡裏絲端居足風月惟有許詢思

乍返包山棹旋乘舶趨歸新詩驚蜃窟舊夢戀漁磯翰墨

尊吾道江湖淨客衣故人煩問訊卧病寸心違

見說新齋好經年祇閉關近田流水響高樹片雲還入社

無多伴營巢且未閒

謂家玉鑣時營新居未就

何當同策蹇一爲訪秋

山

### 題梁茝鄰方伯所藏紀文達公古瓦研

閱微草堂所寶研九九拓本吾曾見

曩於黃霽青編修所見文達九十九研銘

拓好事爭傳墨海銘賞心誰作陶泓傳就中漢瓦珍瑤琅

長生無極出未央蒲褐山人苦搜索四十餘種誇收藏廉

吏偶充木爪饋才人持比石友良

文達此研及漢并天下瓦研皆王蘭泉司寇所

遺後並歸伊

蟠螭千載土花碧研麝十年書傳香尚書祕

墨卿太守

玩半流落賴君得此榜齋閣漢并天下知在亡此瓦居然

成付託拈花妙悟勝傳衣起草明光備持橐知君夙契金

石綠舊藏蘭話摹甘泉

前在京師當出示林吉人甘泉宮瓦拓本

漁洋竹垞多

題篇當時已自詫希有此乃更在元封前文房自昔稱研

壽片瓦何由許長久埴埴固是屬良工濡染尤宜歸妙手

贈者誰揚州守

墨卿

題者誰蘇齋叟

翁覃溪閣學爲題其櫝

想君對此

重師友平生風義期無忘經世文章貴不朽憶從京雒聯

吟壇悔未摩挲幾遍看郵筒裝冊索題句所愧胥井無波

濶即今持節惠南國祇此長物隨行軒墨痕已化吳中雨

屢庇還令天下歡

讀蔭鄰藤花陰館詩鈔題後寄懷

一編迢遞折疏麻海雨江風入齒牙夢裏紅雲思噉荔閒  
來綠雪快烹茶何徒格律追開寶祇覺山川似永嘉十子  
三君名總好不隨人計自成家

罷直承明響玉珂重煩持節障江河拔天采筆長楊賦夾  
岍金堤瓠子歌但聽仁言知利溥即論餘事亦才多滄浪  
大好供陰嘯那用簪纓羨薜蘿

青門杯酒細論詩大雅藩籬略許窺共以絲綸推手筆獨  
從香火契心期浮沉不競看雞樹憂樂相關在鳳池從古  
風騷本情性故應冰雪卷中披

銷寒道暑幾番同蹤跡無端逐轉蓬到眼篇章逢舊雨回  
頭歲月逐飄風漳濱卧病齊公幹海內知交憶孔融自分  
無才歌樂職聊隨野老祝年豐

爲呂秀才題墨竹冊子

繪水作聲山作勢獨有此君宜寫意胷中自足書傳香紙  
上都成風露氣尺幅如橫千尺枝十二幅如一筆揮老可  
小坡不復見妙手所作同天機君家山館曾一宿不見初  
篁包籜綠屬君補種兩三竿要聽軒窗夏寒玉鳬水鰲山  
繫夢思聊將題畫報君詩

前辱贈七言一首

他年乞我陵雲箭攜

向谿邊縛釣絲

朱蘭坡邀過來青書屋留連竟夕即送之吳門

君家崋山側我家崋山麓芒鞋一繭幾往來山鳥山花見  
應熟青山一別逾十年白頭先後同歸田山不隔心能隔  
面咫尺雲生不相見眼前世路足風波頭上年光如露電  
半月臺前一杯酒

乙酉秋仲晤於石巖禪舍

別來萬事無不有哀樂正

欲陶東山倚伏何須問北叟山光最好惟清秋駕言可以  
寫我憂君家精廬起山半稻香一路緣平疇到門坡陀復  
百級被屋松篁白雲溼軒檻面面收奇峰倚檻仍將峴山  
揖西奔蟾兔東飛鳥此中習靜忘朝晡不用門生議鮑脯  
自有兒子扶籃輿酒行各欲談往事起坐看君壁間記愛



山可是無世情著書難免拙生計山雲乍合還復離猿鶴  
亦恐君歸遲名心已冷長安道客夢何淹短簿祠人生安  
得多暇日吾儕位置宜自必荀陳會聚殊可師向禽昏嫁  
行將畢無多歲月供奔馳大好家山藏著述轉瞬桃花紅  
一山去逐秋鴻歸社鷁

時約明春桃花  
間日仍游石岩

中秋後三日家虛齋學博招集環翠山房兼示令姪

春帆茂才

經年不到此巖阿桃柳陰成長薜蘿繞屋峯巒生畫靜雜  
花庭院得秋多已陵虛牖平看鳥更踏圓墩旋似螺莫效  
穰侯專一壑憑君爲我置行窩

有約黃花賭酒筵爲防陰雨故爭先狂談每落形骸外老  
態都忘髣髴邊富貴幾時如草露風流終古在林泉君家  
羣從殊堪羨疊石疏池肯費錢

九日招同人小集

廿年爲客負黃花九日清尊竟在家晚節生涯師老圃故  
園風物記秋瓜檐前碧樹遲霜信門外青山淡日華欲試  
登臨筋力倦且來團坐話桑麻

經旬禪榻繞茶烟無復飛蟲到髣髴邊好事尚留桑落酒老  
懷休放柘枝顛

時村中  
觀優

蕪鱸自樂還同樂稻蟹今年勝去

年只惜茱萸難辟疫向平何怪早求仙

虛齋以疾  
作不至

玉鑊新居種松草堂落成和韻四首

憶君曾築小南樓邀我題詩最上頭萬里乍回游汗漫廿

年重見宅浮休新居好在同歸鶴古樂誰能問爽鳩

地名古方

家早識一官如傳舍人生容易得菟裘

三徑年時蔓草深者番料理好園林閉門儘試栽花手面  
壁聊償讀畫心小沼無波觀止水青山有意約歸禽一枝  
已足平生願梁父何煩抱郝吟

家具移來不出村安排書帙間罍尊世居白社多高致寫  
罷黃庭愛默存五柳未妨添故實萬松須與植深根要知

此屋辛勤甚好撚霜髭教子孫

昌黎詩辛勤三十年以有此屋廬君營居一載領鬚

半白  
故云

莫靄朝嵐碧四圍主人娛客有清暉雞豚近局無拘束鵝  
鴨比鄰少是非著述名山心共在經營生計事多違留將  
雪色君家壁待我淋漓墨瀋飛

### 凍豆腐二首

露液雲漿與冷宜一盞凝潔勝琉璃眞思嚼雪探蘆薹恰  
配敲冰煮粥糜寒士生涯無煖熱腐儒風味更神奇爐煨  
梢柚盤堆玉此段何曾恐未知

淮南方法妙來其鄒律何煩黍谷吹三九漫疑寒具設十  
千那費凍膠賢且看屑片成雲母只合調羹付雪兒忽憶

玉泉山下寺清齋分送過年時

京師玉泉山凍豆腐  
最佳寺僧每以餽歲

玉鑊以風雪連旬未晤有詩寄懷並約歲首梅花小

### 閣宴集

耳冷心灰百不聞

東坡句

殘年終未免紛紜寒窗已自膏難

繼涸轍猶思潤可分老去情懷宜對雪近來人事劇翻雲  
前盟晚晚誰能保只有蒼官共此君

斗室閒爲偈仄歌巷南巷北阻經過古人每作夜游客我  
輩都成春夢婆見說南枝迎歲早想應東閣得詩多窮陰  
會有陽和轉踏溼無煩瘦馬駝

### 綠萼梅

萼綠華從何處來芳魂化作嶺頭梅千苞似倩螺痕染一  
色渾同柳葉裁金谷量珠會顚顚紗窗點雪略皚皚身迴  
碧玉眞堪抱路入藍橋莫濫猜照得春波如鏡匣和將夜  
雨長莓苔薄翻翠袖依修竹低著青裙傍曲隈疎影自憐  
眉黛淺暗香微覺髻雲堆綺琴一曲絃初罷油壁同心幔  
欲開驛使屢逢驄馬繫游仙剛被翠禽催綈囊買酒增高  
價鏤管題詩稱上才想到成陰還似豆莫因眯眼錯疑槐  
羊權縱有金條脫惆悵東風肯自媒

春分日集玉鑱齋中看水仙

霽寒十日眠癡雲春光過半無一分梅花香土委寂寞柳

條綠意含氤氲坐牕不遯苦無賴負此錦繡新晴文君家  
貯春妙几盞清泉白石供鋪茶日暖塵生研羅襪風高縐  
擘留仙裙就中一本最姽嫿辦攢箭簇揚盞盞得無女星  
墜地化嚠城佳種超甌閩金華仙伯舊相識國香流落難  
爲欣此花持較殊得所新詩美酒相殷勤冰肌耐冷費十  
暴玉容出沐經三薰吾儕相對淡彌永縞衣綦巾聊樂員  
君不見東風有力不相藉世上桃李徒紛紛

次日玉鑊惠水仙一本用黃山谷詠王充道水仙花

詩韻一首見示即次原韻奉酬

美人香階剗羅襪風吹裙帶拜新月君家喚得姑射仙著

向高樓更奇絕。錢招客護世城不枉。孔方呼作兄。君近用東坡又錢法更煩一本幸分我眼花真訝小憐橫。故戲及之

辛夷花開約同人小集

辛夸高花若張蓋。萬玉瓏璵出牆外。曉烟夜月明一村。況有寒塘靜映帶。人言此樹宜遙看。廬山真面始堪繪。豈知花下有幽人。鼻觀清香足掩藹。前年花時晴日多。采花作餅此高會。去年花時逢惡客。風橫雨驟苦無賴。天公費盡亭毒心。又見雕瓊作盤大。飛箋火急邀酒徒。持杯酌酒向花酌。祝爾腰身更十圍。白雪撐空到黃峴。山名年年無雨亦無風。免使吾儕惜埃塏。君不見韓公捉筆賦感春。迎繇送



謝情無奈

清明日烏柴看桃花久慙復至石巖山飲于圓通菴  
春晴處處山含烟一山桃花紅接天花光徹天復照地直  
從山後遮山前暝風入塢花最盛酒人恰比蜂蝶聖花枝  
多處停壺觴地迴天清並居勝酒酣起坐聊徘徊樹根古  
冢無紙灰花紅酒香不到汝念此肯復辭深杯酒人相看  
未酩酊更踏松風過重嶺一卷猶卧白頭僧有客幾迷蒼  
耳境是日由石岩小徑上山路僻不可行香烟未滅已卅年却憶舊雨同牀  
眠甲寅歲同玉鑊讀書菴中粥魚茶板亦幻夢剩有半月猶依然半月臺山  
頭石名夕陽依依下山路指點桃花認來處平生冷笑武陵

漁再入仙源已成誤

朱蘭坡宮贊謬庭別駕枉過敝齋

雞黍經時約鶯花故里春青山忘世事白髮重交親喜折  
迎門屐狂欵墊角巾敝廬容未掃尊酒不全貧

劇談連日夕取醉雜醒眠留客花間雨行厨竹裏烟監州  
誰復怕會社也須緣莫倚村居接相逢動判年

送家翥雲司訓江浦

雍容人道稱

去聲

儒酸聊學鮎魚上竹竿敢向將軍稱揖客

自師樸學作枝官

君爲愛次仲  
教授弟子

親年正待毛生檄友誼誰

彈貢禹冠白馬青衫非易事不煩西笑望長安

謂家蓮浦  
時爲陝西

縣令

東風吹客大江涯小滿前頭好別家十斛多收剛及麥一

官初上又逢瓜

君選江浦又以例當回避

瘦羊入饌心何競肥馬隨塵

志漫賒爲祝量移能較勝池蛙鼓吹蜜蜂衙

商略行藏一夕談十年空繫看花驂倦游始覺舉比貴送

老應知苜蓿甘但使諸生能載酒未妨彌勒與同龕

君赴任不

攜家屬

只愁白社無多伴樞馬林鴉少盍簪

少年同學幾升沉阡陌東西尚許尋大藥難求添髻雪小

文可定託牙琴

君昨以詩稿屬予刪訂

熟知避債無良策曾說歸田

有素心一事却須開苦口并眉煩誦子雲箴

君溺於酒故章末及之

牡丹開時招玉鑊小集偶言及古來牡丹詩少詠正

面者因各賦二律

東君著意門繁華特遣傾城壓衆葩魏紫恰爲天子配姚

黃合進相公家集成一品纔宜賦

牡丹賦始見  
會昌一品集

譜有千名

祇號花

李鵬云洛陽花多種  
獨稱牡丹祇白花云

詎識茅檐三尺地也披宮錦

絢雲霞

縱有高臺與曲池園林非此不珍奇神仙合住莊嚴界富

貴仍饒灑落姿萼綠華來誰是伴

牡丹有名萼綠華者  
開最後見羣芳譜

李

青蓮去更無詩只今采筆蒙塵久尚費紅箋寫艷辭

求是堂詩集卷二十

歸田集

涇縣 胡承珙 墨莊

崔明經伯升惠黃山松柏四株

黟山秀東南萬古森積石寸土所不留乳泉滲滋液何年  
來潛蛟競起掛青壁雷電窮追搜化爲松與柏石氣通根  
株擢幹盡堅瘠攫綢餘勁姿盤擎出微隙化工妙縮本留  
此蜿蜒跡何殊畫江山千里幅盈尺君家山中居譽樹欲  
成癖每令澗底虬玩弄登几席盆山景蒼然百卉紛鬱積  
得此增幽奇戶牖颯寒碧百里走一夫慰我風雨夕居然  
四老人來自商嶺側兒童頗私訝常時無此客我非列仙

儒風尚亦山澤坐對清風生忘言澹相適忽復懷名山擬  
辦幾兩屐與君窮幽巖遍覓巨靈跡因之鞭蒼龍雲海共  
游劇

玉鑊自江北行田歸過話

鳩茲聞乍返鵲噪喜來過舊雨門前少新霜鏡裏多四松  
初偃蹇五柳漸婆娑老去存生理求田計若何

積雨懷玉鑊

梅黃能幾許催熟費天工但見盆傾雨曾無舶趠風茅茨  
烏鵲寂井甃鼃鼃雄羨爾樓居好牕虛面面通

端午詠物四首

蒲劍

野人何處剗龍泉翠脊青鋒訝凜然地冠百昌呈寶氣天生九節佩飛仙試來石狠宜除惡看到杯長欲引年老我已無魔可戰且將掛壁示如鞭

艾人

縛草輿糗豈送窮年年相見是天中采蕭共話三秋別拄杖平分百歲翁鄧範想應吹氣活屈原休笑服要同誰知名著桐君錄爛額猶能號國工

繭虎

馬頭通氣果崢嶸幻作於菟目怒瞠此日下山真雪色俗吳

謂蠶族爲山先時食葉已風聲纏絲正擬縛須急剪紙何愁畫不成莫認三眠將盡後狸奴相守短燈檠

鵞鵝

絲雞蠟燕送年光又見鱗潛作羽翔多骨自宜撐瘦脰啄腥那肯下橫塘不妨風景燐枯足却望雲霄寄鮓忙一例鯢鵬同變化誰言蒙叟盡荒唐

食蠶蛹作

閒看分繭後香到煮蠶時園客頻煩送厨娘不費治配宜乾腍子形比小蜂兒見本草蜩范皆籩實何綠獨見蓮

前題



功成衣被萬方寒遺蛻猶能益食單蠶豆錯疑形小似草

綱目蠶莢狀  
似老蠶故名

蛾眉虛憶秀堪餐且依郭璞尋豨首莫訝文

成食馬肝正是麥風梅雨候好隨櫻筍共登盤

### 邀玉鑊說餅

雨歇淋梅候風清打麥場新秋如早到薄夜好同嘗與我  
甯爲我隨鄉便入鄉老來惟一飽萬事莫思量

### 次韻玉鑊集敝齋見贈一首

何須眉耳較修毫不及當筵賦老饕笑我所需惟藥物輸  
君無事愛香醪著書未肯名孤憤涉世猶能狎二豪一枕  
華胥長日度睡鄉佳處亦醅醕

次韻玉鑊晝卧夢與鄙人晤言見寄一首

爍石歆威大地同欲招社燕問秋鴻閑眠有汗猶揮雨狂  
走何人似中風張敏夢回偏識路敬輿書到便論空只愁  
終歲迷塵土不值高朋一笑中

玉鑊疊前韻再寄仍次奉酬

吹萬人生自不同都將陳跡付泥鴻形容笑我鬚飄雪詩  
句看君筆旋風把酒情懷那得好讀書結習也知空由來  
長夏關門坐半是愁中半病中

連日老妻  
頭風發劇

三疊前韻答玉鑊

三詩聊當一樽同累煞蒼頭作便鴻無藥可醫通國病有

言猶見古人風子雲後世殊難必潘岳年來已證空珍重  
故交相慰藉隱憂不在自身中

酷暑熱甚忽得驟雨

半角風生日欲沈礮車雲起雨如淋夢回檐溜聲清快涼  
入牕紗色靚深十里谿山皆爽氣百年粗糲有歡心還隨  
野老看田水暝色人烟正滿林

立秋日鼎元招集溪上書屋雨後步至野塘看荷花  
即送其金陵鄉試

炎天咫尺阻招尋夏課聞君不絕銓祇覺階前苔印淺誰  
知門外稻陂深三年客話豐登樂一夕秋蘇老病心天意

似憐人觸熱微雲先作半山陰

坐久都忘晝漏長果然驟雨送清涼  
野塘水響秋先到老藕花稀葉亦香  
倚樹幾回驚鳥夢隔谿隨處閃螢光  
因君忽起江湖興欲駕扁舟泛渺茫

自拋簪組拂漁磯兩見槐黃踏省闌  
齒冷長卿誇弩矢汗流蘇子著麻衣  
桐飄故井年光晚潮退空江暑氣微  
此後山中風味勝新筍香發待君歸

秋旱

自我返初服三載歌豐年太倉竊已久  
老矣思力田既飽亦蕭瑟杞憂私煩煎  
儲蓄不早計此樂難恃天今秋遂苦

旱火繼張空圓土焦龜背。圻溪涸龍骨懸老農前致詞未  
語淚已漣秋旱甚夏旱此諺古所傳。穎實方在望既槁豈  
復鮮園蔬及雜穀一例成蕩然。災成報已晚敢望租稅捐  
預愁瓶罌空有吏橫索錢我亦耕田夫同病能相憐無聊  
作好語且復慰目前似聞水鄉熟秉穗紛陌阡一雨溪流  
通下河多米船

喜雨

京師歲小旱初夏連晚春

常雩禮羣望

法駕森勾陳我時黜朝班鞠脰窺精禋每欽

至誠感甘澍不待旬一麾出海嶠偶逢膏澤屯齋心叩龍  
宮草䟽投齋淪香烟未滅穗倏忽屏號臻四野競懽呼再  
拜靈貺既今茲守蓬華有禱隨鄉隣分無民社憂所請爲  
一身也復荷神憐知我亦天民老來抱鄰坐何曾拜向人  
送涼蘇肺病解喝回咽津秋禾倘可救亦足充吾困昨宵  
賦閔雨轉盼垂天紳取酒藉自犒默念造物仁醉倒作狂  
語轉謂吾詩神

歲莫述懷

村烟漠漠早鴉飛消息春風動釣磯剩擁詩書爲長物熟  
知富貴有危機龔蠶飽敵萬錢饌檐曝溫過一品衣老屋

三間田半頃人生作計未全非

病妻旬日苦呻吟歲事料量祇獨任偶拾爨薪蘇凍蟻時  
分餐米餉飢禽山寒屢動尋梅興臘盡終虛望雪心却憶  
浮沉京輦日隔年常貯買書金

往在京時每歲莫必留銀數餅爲春初廟市買書之

費

紙牕竹屋欲黃昏猶有催租吏打門藥物倍於薪米帳桃  
符留得雨風痕讀書漸少孤檮燭飲酒無多枉瓦盆那復  
傳經心事在拈將牛券教童孫

尋常枕上五更鐘睡思朝來轉更濃往事雲烟紛過眼殘  
年冰雪獨橫胸懷人有句窮天末送鬼無文退筆鋒珍重

故交詩滿紙春游相約好相從

昨蘭坡寄詩訂春初相晤

己丑元旦立春

柴門曉色日初寅起看堆盤簇五辛伏櫪久忘千里志當  
筵真詫百年身東瀛擁騎迎青仗

北關呼班對紫宸

往任科道值元日朝賀每與同官東西班

太和殿北向立留得朝

衣藏篋在頭銜惟署太平民

可是天公省兩回銀幡采勝併相催都將舊夢拋殘漏只  
辦新詩著早梅利市開頭先檢歷屠酥婪尾却盈杯東風  
更比人情厚乍捲羅帷便入來

蘭坡宮贊六十初度



廿年相逐輒紅塵此日看君自在身  
令伯情因陳養切長卿家爲宦游  
貧飛騰霄漢多同輩管領江山要  
有人至竟扁舟能適性才辭車馬  
便精神

憔悴何曾似左徒釣竿自欲拂  
珊瑚文章舊日追枚馬史筆他年  
識董狐祠祿古人聊可仿洞規  
吾道未應孤全將

震澤包胸次一曲無煩羨鏡湖

君近掌教吳門過游洞庭東西諸勝

楊尹當時賦鹿鳴某邛某水尚平生  
家丞望自高秋實鄉飲謀先重老  
成刻石已聯同譜誼灌園聊寄故  
侯情吾儕即事堪爲政且共漁樵  
頌

聖明

論交華髮已忘形出處關心不徑庭投老有文先艾歲

前在

京會爲文祝君五十初度已有歸田之約

退閑無夢到柯亭諸郎好在多眉白

六藝何時畢汗青報道新年春酒熟相逢須醉不須醒

上元前一日送酒一壺與玉鏤

生不願封萬戶侯亦不願博西涼州但願春江變春酒日  
與幽人同拍浮旁觀莫笑酒腸窄不飲端能醉賓客次公  
況是醒而狂一笑相看墮巾幘昨日招君君不來衝寒畏  
溼成裘裏偶然會合亦有數風雨在天誰主裁書來迫我  
傾家釀索取一壺助春餉人日登高發興新元宵把盞知  
神王玉川老矣雖無錢尚餘負郭半頃田誓令種秫學彭

澤力農未必無豐年倘有奇書肯相借檢點糟牀更思醉  
春仲同玉鑊過來青書屋晤朱西浦一懽大令  
塵事悲牽率清游慰寂寥桃花夾村路楊柳襯溪橋白石  
藏書在青山把酒邀堆胸饒磊塊一醉總令消  
共有田園興聊爲耳目謀春陰山外合泉響澗邊幽幾別  
成衰老相逢話倦游不須要後會落日且句留

溪上書屋看海棠

我輩慣尋芳草徑主人高結海棠巢晴雲冉冉生牆角晚  
雪紛紛觸樹梢開落光陰誰細數暝寒天氣每多清從來  
空谷悲幽獨憑仗新詩爲解嘲

園中牡丹感舊一首

小園樹木先人種課兒讀書日成誦鼠姑一叢花朵繁曾  
把青梅繞花弄卅年人事劇浮雲薄宦歸來總如夢倚樹  
摩挲剩幾人看囊羞澀無多俸閑拈書籍仍素風晚愛花  
枝作清供呼童縛帚鋤舊荒尺地寸天皆有用埋盆不惜  
穿地深帖石居然補天空花身歲淺苦不肥也有濃香撲  
牖甕淺紅通白一枝枝大僅如拳小如匳雖無步障遮十  
圍布幔栽成亦無縫開筵有約惟五簋掃徑相招得二仲  
老狂竟欲錫花封醒眼猶能判酒訟昔時黃鵠今白鳬歲  
月回頭孰搏控

蘭坡往吳門道中覆舟作此寄訊

世間萬事信奇絕，淺水生波平躡垤。未營什一鬼先笑，不作三公臂猶折。寒食別君能幾時，故園有客驚傳說。山藪方憎魑魅羣，君近爲橫逆所侮江湖險落蛟龍穴。岍窄堤平一草

杭舟輕浪重孤帆，圻圻擎箱奴子頭。欲沈陷淖郎君頂，幾滅瀧吏空煩紳。帶書延津幸免干，將缺破鼃堪然且自烘。一壺可佩誰爲設，塞翁倚伏應早知。詹尹行藏不煩決，幽渚冥然照水犀。空囊詎辦投湘玦，久閨阡表樹瀧岡。未把蘭亭祕衣襖，惟餘蠹篋百篇詩。盡被龍宮六鼃掣，梁谿近配埋文塚。峴首同沉墮，決碣人生忠信每難憑。吾道厄窮殊

卷二十一  
九  
不屑文章風靡砥中流心事泉清洗高潔臨流濯足更游  
戲晏起科頭非罪孽詎有伯夷真覆舟肯學王陽遠回轍  
遙知把酒滄浪亭一夕軟回雙腳鐵

哭玉鐙

乍拋鳬鳥一枝安草草生涯竟蓋棺豈果才華能折福從  
來傲性不宜官烟霞放浪天猶妒金石摩挲骨已寒小集  
無端成永訣溪風吹鼻幾回酸

會無絲竹遣中年每約招邀破塊錢甫就園林偏失主未  
完昏嫁遽游仙床前冷落平生屐篋裏叢殘故物璫一事  
秋墳堪報慰不教投溷怒詩篇

元龍豪氣本來羸田舍纔營計便迂可有鵝雛貪腐鼠漫  
勞惹改謗明珠生前噩夢居然醒身後危巢祇益孤鳥寨  
桃花石門月家山何處不黃墟

游儵逐隊鳥同林酒暈書痕尚滿襟早歲文章常在口衰  
年出處倍關心自憐黃髮還多病從此青山祇獨唫鄉里  
兒童空項領欲回風氣恐難任

朱節母李孺人詩爲篆庭明經賦

甯飲建業水不食武昌魚良人歿楚家在吳吳山高楚水  
長魂魄有知思故鄉身雖漢臯女漢臯非吾土父母抵死  
留勢如蓬萍不得久相聚弃我繡羅襦捐我明月珠別我

堂上親提我懷中雛不識吳山楚水幾千里手扶桐棺三寸歸敝廬敝廬四壁空盍戴上無尊與章下無宛若先後輩雙雛煢煢一甫三齡一周晬從此青鐙素帷厯年載冬寒手龜夏顏頓一年復一年冰雪回陽春雙雛反哺娛晨昏子又生子孫生孫儒冠繼世高清門君不見古井息波瀾崇山戴棹楔季隗之年孟姜節柔腸九迴事百折誰知今日管書彤猶是當時淚痕血

董近溪學博書約過我并寄一詩

訟酒評花侶相思積歲年風塵回首隔巖壑置身偏病恐書爲祟貧知命有權故人能念我珍重得詩篇



零雨方懷舊秋風忽悼亡尺書遲作報斗酒若爲藏冷落  
生魚釜悽清夢蝶床不嫌供給薄來共話宵長

有索予書者餉菊數盆戲成四絕句

休官陶令已無家并少東籬可種花但使白衣能送菊不  
須更載酒連車

閑居無復賣文錢博取寒香潤研田比似換羊差不俗欲  
將風味傲前賢

年來佳種徧鄉閭粉字標牌按譜書老嬾心情無藉在惟  
將衰髻對蕭疏

橙黃橘綠幾多時莫怪延齡客到遲留得陵霜高節在看

他消息接南枝

今年菊花  
十月始開

家堯臣

承著

五兄招集

感逝悲秋涕淚潛故人相見且開顏  
展痕戶外黏衰草髻影牆頭露好山  
攬鏡光陰歸卷冊倚樓心事在鄉關  
樽前檢點從知數肯惜比鄰屢往還

從人乞菊

落葉不可掃山風吹故林待分三徑色  
聊慰九秋心瘦影憐同病寒香伴獨陰  
莫欺霜髻滿猶得一枝簪

自題秋林把卷圖

舟車廿載溷風塵故里秋光思煞人  
百尺青松萬紅樹者

番認取卷中身

放懷經世兩難酬萬事灰心付一弓猶是少年黃妳味只  
添垂髫幾絲秋

副墨爲兒雒誦孫好將書種畀來昆  
首痕滿地無人掃落  
葉聲中日掩門

求是堂詩集卷二十一

歸田集

涇縣 胡承珙 墨莊

潘芸閣

錫恩 副河帥過訪

甘依卜肆老荒村仙客槎回偶過存下策豈堪裨賈讓中  
流會說恃王尊野人風味盤餐薄空谷音聲屐齒喧屈指  
頓驚離索久十年心緒共誰論

青山破曉門前路白髮傷春鏡裏絲蝸殼媿無留客所鶯  
吭惜已過花時才能了事知君早壯不如人笑我衰敢向  
樽前談世務一身多病尚難治

題吳莆房學博花階詠蝶圖

東風吹綠南園草蝴蝶成團戀春曉盤中首宿長闌干砌  
畔花枝動窈窕知君一室皆天游不礙欠伸屋打頭于然  
欲寐遽然覺未知誰蝶誰莊周何人妙得滕王法細寫花  
叢亂數蝶倘教撲作黃金錢不須更乞蘇司業

雨過溪上書屋小飲贈家蓮友

承謙

明經

爲有過蘇興竇同訪戴回垂簾終日靜當戶好風來生意  
看幽草年光付熟梅村居話農節布穀近相催

自予歸白社只此是元亭

前蘇雲學博假館于此常過談終日夕

煮藥憐同

病持杯戒獨醒心隨流水淡眼向故山青藏篋詩應好微

絃倘許聽

昨見蓮友壁上詩致有佳句

題吳壽山蕉窗夜讀圖

綠樹陰濃閣廣庭碧紗如霧  
暈疏櫺尋常幾片蕭蕭響攙  
入書聲更可聽

一鉤斜月過牆西銀漢無聲  
絡角低香爇燈殘人未寐書  
淫渾不是蕉迷

爲梁蒞鄰方伯題焦山還帶圖

坡仙散誕脫天械一葉江潭  
舞澎湃金山留宿不到焦清  
游尚恐山靈恠可惜貧官帶  
一條祇辦頭陀巖上挂後來  
乃有楊文襄恰了前賢未償  
債文襄亦是文忠流晚歲猶  
爲豎子賣富貴危身文采窮  
何似皈依菩薩戒萬釘寶物

鎮龍宮庶與金剛同不壞誰知巧偷豪奪無窮期空門亦  
復饒成敗若論四大本來空毬路仙花僅蒂芥人間勝事  
願長留故物還山始稱快先生好古兼搜奇護持欲徧人  
天界直取虛舟返壑來闔境傳觀重珪玕津頭劍合浦珠  
還供養香花雜梵唄寶氣重騰海蜃樓威儀合受江豚拜  
螭鼎同看入畫圖鶴銘一椽垂金薤憶昔開先寺裏游綿  
津遺像陰廊畫亦有瓊圍墮渺茫但見銀河落飛派宋牧仲中  
丞曾施玉帶於廬山安得先生更作再來檀曾被山門作  
開先寺今不存矣佳話

八月八日家美生招看盆蓮千葉重臺頗似閩粵蓮

蕉而淡粉清香尤爲嬌絕信佳種也主人索詩率

賦二絕贈之

小榭疏櫺絕點塵一枝風物更清新芭蕉身子蓮花性莫  
但描櫺比美人

汲井埋盆當曲池漫憐風露獨開遲山村大勝臨安景桂  
子荷花并一時

題明嘉定州牧朱公殉難事實冊子

并引

公諱儀字象先涇人明四川嘉定州知州殉獻賊  
之難闔門俱燼至

國朝其族人爲請旌立祠博徵題詠賦詩者多誤以爲



崇禎十三年張獻忠入蜀時事不知其時賊未陷嘉定也明史流賊傳張獻忠於甲申八月陷成都十一月庚寅即僞位封養子孫可望等俱爲將軍賜姓張氏分徇諸府州縣悉陷之蜀碧則云甲申十月十六日僭稱帝其下即厯叙所陷府州縣至陷嘉定州改爲府以僞官任元祐守之云云俱在甲申之冬又云乙酉三月楊展復嘉眉邛雅諸州沈荀蔚蜀難叙略云甲申十月賊令各郡縣起送王府宗室暨家口數萬人皆殺之其下乃紀楊展初從總兵劉佳允援成都被執脫逃至新津得鎮

標潰卒千餘人遂奉爲將展令其衆由間道趨叙府而已至嘉定取家口來會及歸而嘉定與諸屬邑俱降賊改爲府設僞官守之云云其後乃紀十一月賊令搜求仕宦及起送衛所世職之事然則嘉定之陷雖未能的知月日大約不出甲申九月間公之殉節即其時也今綏寇紀略等書并軼公名四川通志嘉定府志亦語焉不詳故爲參考諸書識其梗概如此

黃巾一呼明社屋鼎湖龍升鬼猶哭參脚入井黃虎來玉壘銅梁盡傾覆錦城烽火連三巴斗大孤州恃良牧先生

釋褐游汝我早辦全家付鬼錄是時魔君劫未終甲乙流  
紅徧川谷洪爐毀像佛不靈巨礮轟天雷亦縮書生報國  
張空拳慷慨登陴植如蠱行汲人皆負板扉穴磚賊詎憂  
蒿束墨守都窮付赤燐一笑凌雲攜眷屬至今麗正臨江  
門鷗叫猿嘯苦斷續黃鶴空過鄂渚樓武昌黃鶴樓有白  
公書刻石尚存  
龍自返陵陽麓可憐不及沈華陽破巢完卵猶遺育華陽  
令沈  
雲殉節有子苟  
蔚著蜀難叙略  
聖朝褒節幸書麻故里招魂應擊竹殘鐙耿壁一詩成牕  
紙靈風響肅肅

重陽後買菊數盆

涼風有例可探支佳節從來少定期

東坡詩探支六月涼風又云有花有酒即

是重陽

買得黃花展重九人生何用合時宜

聞道村農種植難三時纔得一花看繁英付與騷人嗅也  
算平生此素餐

清供山家老瓦盆數叢深淺且休論帽簷袖口無多地早  
有烟霜入夢痕

一味寒香似去年散花斗室足安禪兒童誤喜添詩料不  
管先生破酒錢

重九後十日偕堯臣兄修園姪過環翠山房看菊春

帆弼廷竹坪三秀才留飲竟日並荷輟贈四盆賦

此爲謝

紅樹青山好菊莊試尋高處展重陽鋤荒未辨陶三徑訪

舊如登衛八堂

時竹坪尊人虛齋學博歿三年矣

小綴屏風皆畫本新翻

花樣亦文章流光剩欲誇年少看取殷兄作酒狂

堯臣大子二歲

是日席間賭飲至十餘觴

祇應風雨亦來過況是新晴踏軟莎

先是主人招飲以陰雨未赴

恰有

三人成不速何期五簋此偏多

近與同人舉葉石林五簋之約

鏡中插帽

容霜髻壁上燒鐙照錦窠更許分香慰岑寂數叢禪室伴

維摩

送邑侯王季薌

友仁

曲窮屏星重漢京飛鳬飛鶴總神旻牛刀屢試無巖邑雉

堞新排入化城

君爲吾邑修城甚美

前路風箏多別調寒天江水有

同清輕舟欲載陽春去紉鼓應能喻此情

大耿

謂令兄春泉司馬

離羣得小馮循聲汝潁水西東

君本任潁州別駕

州民許我爲元亮家法期君繼醉翁

吾師介堂閣學歿十年矣

白髮盈

頭重惜別黃花過眼尚餘叢分甘甲子泥塗混他日相思

付雪鴻

### 種義園即事

園林秋老日蕭疏門外寒塘一鏡如客到有時隨鶴返詩

成聊復遣兒書誅茅歲倩龍衣更種菜朝分鼠壤餘閑肘

烏皮容郝榻老來惟解愛吾廬

偶得鹿肉一臠邀客食之戲成代東

十日黃鸝五日豬藏神應免訴園蔬生涯尚欠魚羹飯好事剛臨鹿脯書割炙京華回峭後釣鮮瀛海賞番餘臺灣番人善捉生能以簾釣鹿廿年一例醒蕉夢主客何煩笑子虛

寄林刺史小巖一銘陝西

太華三峯矗冕旒黃河幾曲入胸流觀書每指圖中掌得句誰昂天外頭老我敢爲孤竹馬期君方作九花虬何當滅賊鳴笳吹盡洗伊涼萬古愁時客什喀爾逆回復叛

家小山桂澤邀集窄園看梅花乃其叔玉鑊大尹舊

居處也感成一首

故人昔作妻梅想邀我花前共春賞  
故人今主芙蓉城脫屣妻孥僅五兩  
紛紛桃李逐風塵只有寒梅憶疇曩  
阿咸居此殊有情編籬疊石取次成  
更築層臺踞花頂虬枝半壓欄杆影  
明月乍出羣峰低花香酒氣渾離迷  
花底陰魂呼不出鄰笛一聲風瑟瑟  
酒酣倚檻重沉吟樾馬林鴉復盍簪  
舊攜苦茗談松石新把清風入竹林  
不用對花更惆悵但保歲寒同此心

以忠雅堂集銷寒雜詠十題命次兒先類用上下平  
內江微佳文刪有豪覃鹽咸十韻分賦作此示之



粥魚茶板憶禪關  
百八蒲半喚夢還  
月落烏曉明楚火  
霜清鯨吼振豐山  
千林疏磬飄揚外  
一枕殘更斷續間  
往事經心從猛省  
此聲應遣髻毛斑

寒鐘

天空木落露巉巖  
樓迴窗虛列岫嵌  
但有睡容描瘦石  
全無暖氣倚枯杉  
清朝澗道飛泉凍  
靜夜峰坳缺月銜  
見說深林猶積雪  
黃精何處刷長鐮

寒岫

腰斧丁丁響隔厓  
賴肩輹手此生涯  
風前一束猿枝墮  
雪後千尋鳥道埋  
冷銼疏烟生竹屋  
荒村衰草印芒鞋  
量珠易米歸來晚  
落葉依然仰古槐

寒樵

清江細浪皺鞞紋  
忽漫潯頭動地垠  
海上千堆排積雪  
天

邊一線化陰雲潛淵恍啓魚龍蟄凍浦驚喧鴈鷺羣却憶  
秋風枚乘筆病餘猶足冠吾軍

寒潮

敗蘆瑟瑟響空江老柳蕭蕭間短樁挂向斜陽林寂歷坐  
來欹岬水潺淙疏星在留或三五凍鯉躍冰時一雙差勝  
垂竿投餌客滿天風雪駕吳艘

寒骨

十幅輕蒲興自豪任他雪虐與風饕陵兢陣馬去同駛瑟  
縮檣烏飛不高烟雨痕深收斷岬江湖影濶落驚濤長年  
呼嘯看千里擁絮無煩更把篙

寒帆

深巷人家白板扉吠聲如豹似耶非月移疏樹頻驚影風  
撼重鐙未息機豈有淮雲騰欲上何關粵雪見來稀惟看

鐙火前村閃知是中宵遠客歸

寒吹

薰籠斜倚下湘簾永夜誰將獸炭添苦茗烹餘無宿火名  
香焚罷剩空奩灰深且共唫朋畫席冷從教坐客嫌獨抱  
冬心聊卒歲不知炙手傍人炎

寒爐

滋味無如嚼菜甘蕭疏籬落傍茅菴韭菰早晚年光換莖  
葉青黃色相參百甕齏鹽居士足滿身風露圃師諳一畦  
自愛蘭成賦辛苦何郎醉夢酣

寒蔬

古墨凝香聚一坳百家呵凍不停鈔清貧只此爲田業冷  
淡頻年有石交滿貯鴟鴞憑酒滴微烘鸛眼免冰敲晴牕  
轉盼春融早會見方池起墨蛟

寒硯

感事

一鍤惟宜荷作倫百錢拚使弃嚴邇街彈曲直猶難準史  
筆褒譏那得真漚極欲翻無鬼論愁多怕作有情人西山  
餓死東陵壽莫怪空門話夙因

求是堂詩集卷二十二

歸田集

涇縣 胡承珙 墨莊

辛卯元旦

荒村烟景入新年斗米微聞貴百錢豈羨黃金垂肘後差  
欣白雪占春前舊臘立春日大雪椒盤柏酒今何夕葱嶺蒲昌路  
幾千不是書生工作鬧苦寒真恐鐵衣穿

集家竹林

光岱

明經書齋因憶其尊人崇垣大令罷

官後仍廩居江西

一笏軒牕地當年此會文眼中稀舊雨身外剩浮雲罷宦  
誰王貢論交有紀羣簷花飄燭影剪韭話殷勤

養拙存吾道全生賴散材  
遨頭幾兩屐婪尾十分杯  
招隱依欖桂懷人寄早梅  
百花洲上客何事不歸來

白社偏多事蒼顏笑我曹  
勞生宜息轍薄俗共餽糟  
自媿

非龍首

于少與崇垣蓮浦虛齋同筆硯里有四俊之目

相期是鳳毛莫依名士

習祇辦讀離騷

梅瞿山萬松圖爲朱巖泉題

圖爲壽施愚山先生六十生辰作  
愚山及高阮懷梅耦長諸人皆有詩  
巖泉裝潢成軸別以素冊索題  
圖與詩皆不見僅據蘭坡宮贊所記云爾

瞿山畫松如畫龍鱗甲犖駁牙  
須雄何年回筆作縮本萬

株持壽愚山翁愚山作詩如作畫主客圖成堪炙膾二老  
風流適並時羣賢題咏皆佳話朱君得此什襲藏索我題  
句空縹緗其圖其詩皆不見錯疑辨才蘭亭置閣梁又疑  
通神妙畫如長康令我展卷心傍徨萬松岡子定何處回  
思風雪雙羊路柏枳瞿硎深復深黛色濤聲莽回互我家  
亦有此老雙松圖潑墨淋漓元氣麤尋常挂壁起烟霧涼  
風六月侵肌膚因之更憶愚山句青天萬樹齊浮屠語君  
共寶如璠璣君不見宣州人物今時無似此詩情畫意空  
平蕪

次韻酬慧若上人

一念新羅到海東夢回身在篆烟中黃花只合依陶令白  
雪何緣近贊公庭樹風旛從子證海山兜率憶吾宮無端  
又被維摩笑結習如詩尚未空

題慧若上人松風坐隱圖

不用清風五百間長松恠石瀑潺潺箇中消息憑誰會  
甲枯枝盡日閑

阿師妙手如龍象舊譜新翻兀自知藏得一奩圓相在看  
他黑白未分時

羸算輸籌總劫塵浮名容易喪天真何如着我松根卧幾  
局才終一欠申



小園地隘牆高花木不能繁盛杜鵑數盆寄蓄人家  
及夏初取回花已謝矣戲成三絕句

閑居無地起樓臺那得桃株乞百栽剩取一窠紅躑躅好  
花猶是寄生開

秭歸聲裏綠陰交生子曾聞寄鳥巢惟道此花名適似號  
紅多半染枝梢

珊瑚一樹借人看廿四番風信已闌此後欲援修竹例日  
教僧寺報平安

求是草堂即事

曲檻疏櫺總向東每看初日上簾櫳  
茶聽似哦詩韻盆

并移當運甕功聞道河魚仍大上今秋江淮皆被水災可憐澤雁竟  
安窮書生老祇爲身計私幸山田歲頗豐

九月十日冒雨至大幕山訪慧若上人

重陽秋氣深每與風雨會作意補登高迤邐到香界飛雨  
復趁人解裝溼萸佩清泉諸澗淥白雲一山戴烟樹隱水

西樓臺渺天外靜氣生團蒲清心入喧唄香烟鐙影中轉

曠已卅載予自壬子游此今四十年矣何況古戰場誰復憶人代山有唐初

左難當因之悟三生頗欲空四大上人湯休徒辨才了無

礙奕旨妙機鋒詩情振空籟既存出世懷復博涼夜對蕭

蕭林葉危滴滴砌蛩碎何當陵大觀亭名絕頂恣雄快

十月杪蘭坡招集來青書屋劇談竟日感賦五言一

首即送之吳

索居感蕭辰長年悲落葉愁緒如霜髯紛亂不可緝故人

夙見招

先是春初已訂此集

逡巡裴替筵雖云一牛鳴雲樹亦重疊

聚惟壹握笑別已三歲浹老樹驚鳴禽殘菊棲瘦蝶寒山  
獨可親蒼翠上衣褶世涂多艱辛吾儕苦疲荼厚祿絕交  
書長飢乞米帖守兔噬宋愚覆鹿笑鄭魘乍可如王猷看  
山拄頤頰安用效桓溫急裝辦出獵眷惟鄉里舊欣此情  
款協佳話數釣游家具通餉盃醉香初滴槽肉輒不勝挾  
轉思夏秋交地軸翻可憎洪濤連江湖巨浸沒城堞蕩盡

無室廬蕭然廢舟楫哀鳴隨雁奴異物化魚妾誰爲流民  
圖乞與度人牒尚慮明年春芒穀渺難接田蕪競輟耒民  
窮更怯篋志士空襟期細人見目睫弃置勿復陳山居幸  
安帖故鄉信可懷幽意復不愜相思隔吳雲命駕安能輒

病遣

久拋世味酸鹹外仍在身塵起滅中豈果心神辭李廣將  
毋腸夢應揚雄陰晴骨試鑽雞卜憂患精銷磨蝎宮竟日  
忘餐終夜醒可憐眠食亦無功

跼蹐窺井笑支離一事無成兩鬢絲宿累早空何氏肉沉  
疴猶困沈家脾千秋著述誰操券五嶽游蹤已後期大藥

難求高手少可能閑坐得中醫

病起

盡日婆娑藥竈旁每拈小草問長桑  
鑒詩正苦無新意治疾終須究古方  
泉石久應成痼癖春秋猶未入膏肓  
幾回神觀離還合也算閭浮夢一場

本緣多病遂初衣學得山雌苦不肥  
海內幾曾憐我在眼前猶覺替人稀  
養生且種忘憂草對客惟存杜德機  
較勝天涯孤宦日一絲殘喘亟思歸

曾聞斛二有癢痕始悔當年未毀茶  
小劇情懷危落葉徐回消息近梅花  
冬心祇愛烘簾日晚節何須散綺霞  
拂拭

蛛絲齊蝨簡還吾燈火舊生涯

偶然荷鍤免埋劉抖擻神猶王一邱病勢已成強弩末家  
人如望大刀頭虛淹歲月漳濱卧再領風光池上樓自是  
瓮齏綠未了百年粗糲更何求

前病小愈痔疾復作再遣二首

經旬重檢越人方百草辛酸取次嘗三伐毛還三洗髓九  
升魂更九迴腸會無髀肉銷金勒豈有心肝嘔錦囊量得  
腰圍渾減盡也應容我瘦而狂

自分蹢躅作半人那能肩脰得全神將穿帖脅三經席孰  
御乘尻萬里輪風月已辜無盡藏膏蘭終惜不貲身千金

待買安心藥遮莫癡聲任笑噴

雪

瓊樹瑤林祇卧游開牕風勁射酸眸  
灞橋驢子山陰棹清福知他幾世修

僵眠不爲學袁安病裏猶思萬戶寒  
可惜書生祇虛願敝裘一領未能完

痔疾久不愈有勸食龜鼈者戲成二絕句

生龜脫筒俞清老羸鼈渡葦虞雍公笑我  
人間尤長物累渠辛苦沸湯中

思邈千金殺蟻蟲生天成佛兩無功  
矧將物命扶身急更

合遲歸兜率宮

喜晤李大令申耆 兆洛 同年即約游水西

罡風吹客墮塵寰閶闔門多竟未還無事每吟青玉案不  
貪方識紫金山搜羅未見書千卷箸錄頻增屢萬間我亦  
天涯流落久卅年相遇鬢俱斑

南北江流一色清偶攜蠟屐到山城看披宮錦仍仙骨愛  
覓香臺詎世情燕子欲來風已軟桃花未放水遲生羨君  
昏嫁完孫行五嶽端應屬向平 君率從孫就昏來涇約爲  
黃山之游適予將爲次兒  
續娶恐不克偕  
故末句及之

嘉謏顧壽香 裕 過訪即贈并以識別 壽香爲子房考  
小逋師第二孫



每到青山憶謝公卅年踪跡劇飄蓬西州舊慟留長水北海新知得小同廉吏子孫貧亦好名家詩畫早能工他時竹馬渾閑事且喜烏衣盡素風

謂令叔默菴五兄令兄琴伯世講

眇柯

師詩集名

佳蔭想軒庭裙屐相逢述德馨此日征途方暑

雨當年門館已晨星

自己亥至辛酉吾邑出師門下者共六人今惟珙在耳

憐予野

處頭俱白望子高歌眼轉青世事茫茫山岳隔么絃冰雪若爲聽

### 銷暑雜詠

射虎將軍右北平霸陵醉尉舊相輕何如乞取青門種汲井浮瓜過此生

名二二二  
敢望金莖露滿杯  
片雲亦足蔭琴臺  
嗤他一味清涼散  
解得劉郎內熱來

警木圓機破睡鄉  
小年愛學讀書臧  
而今老倦思方枕  
轉側貪渠面面涼

通德惟知啼擁髻  
清娛那解助紬書  
從來識字多憂患  
不遣金經誦六如

槐花黃不到漁磯  
辛苦兒曹踏省闈  
搖扇未能祛汗雨  
更堪回想着麻衣

夢裏滄江貫月虹  
雲烟過眼已成空  
徐郎沒骨兒休學  
秋

在楚山清曉中

時次兒先頻  
學畫蘭竹

露坐雛孫索說鈴更教剪紙學囊螢小兒論語談何易杜詩

小兒學問且與分疏三字經今書塾所授三字經乃宋王伯厚所撰

秋風吹鬢怨齊王碧樹無情枉斷腸不及豆棚瓜架底一

綯安穩絡絲娘

日食雙弓已舉家甕頭春貴不須賒尚餘黃九煎腸癖檢

點山僧手揀芽

幕山僧爲買茶數籠

聚骨何年製闔開乞書纔送便相催研箋不似齊紈潔可

怕先生作襪材

渴雨甚矣偶雲而雷輒爲風吹散書此以志悶懷

蓉塘幾度響輕雷也似宮車望不來依舊前山紅日下月

明無露滴蒼苔

雨脚霏微布未勻  
飈輪倏起便揚塵  
祇知大暑愁山鬼  
詎料清風作惡賓

悶雨即事二首

渴烏垂翅逐乖龍  
火急爭泉報佃農  
蒿目無方姑熬置  
戰書何怪不開封

昨夜繁燈放水村  
相期一雨倒蘭盆  
拚教坎井無魚婢  
祇望磽田有稻孫

望雨

烏雲含雨白雲晴  
盡日長空變態生  
但有清風無快雨  
人

生那得二難并

喜雨

門外何人喚阿香書生手掌帝臺漿人情自合私柴梓馬  
上偷窺也不妨

九日卧病

重陽無雨亦無風忽漫扶頭入病中豈果茱萸能辟疫那  
堪蘿蔔便焚宮災年小恙猶天幸今年疫症盛行佳節無懽是命  
窮差喜黃花同紫蟹稍遲應似待衰翁

東翥雲

辛苦平生恃館餐舉比一片勝微官世情漸覺浮雲薄吾

輩今將敗絮看病後酒杯多冷落荒餘花朵亦闌殘不知  
明歲營巢燕竟向誰家壁上安